

廣東通志

卷十八之下

內閣文庫			
三 九 六 九	三 九 六 九	六 九 二	四 六 函
號	冊	架	類
			漢書

內閣文庫			
三 九 六 九	三 九 六 九	六 九 二	三 函
號	冊	架	類
			漢書
(四一五)			

內閣文庫			
番號	漢	3969	
冊數	692 (514)		
函號	291	97	





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





遂遷襄陽郡太守恭山南東道採訪處置使以廉率
 之權授以澄清之任化行江漢惠及黎民進封南康
 縣開國男賞有功也屬南夷不襲西蜀騷動倚角之
 勢連於嶺隅以公有經畧之才委公以干城之任乃
 除南海太守兼五府節度經畧採訪處置等使攝御
 史中丞賜紫金魚袋天書盈篋廐馬在庭恩華寵光
 旁午道路公召募敢勇繕治樓船緩懷遠人安集嶺
 俗或指劔山之路或出銅柱之鄉以迴舳運糧省汎
 舟之役以于來授甲寬土著之人寄重務啟用省功
 倍天子嘉之特授銀青光祿大夫兼手詔封開國公
 食邑七百戶旌其能也且五府之人一都之會地包
 山洞濶海壖異域殊鄉往來輻輳金貝惟錯蔭革
 實繁雖言語不通而贊幣交致公禁其豪華招彼買
 遷遠人如歸飲其信矣秩滿遷殿中監皇輿盡飾玉
 食惟情六尚委能一心主辨服御器用必信必誠勤
 勞不遑積憂成疾以天寶十四年四月二十日疾亟薨
 于西京常樂里之私第春秋六十有六嗚呼哀哉哲
 人其萎邦國殄矣皇上哀悼賻贈盈門給遞還鄉省
 丘歸本遂贈廣陵郡大都督府長史禮義哀制廷素
 握髮謂飾終以明年葬于始興郡洪義里武陵源夫

夏之真卷八

貞元三年

三

貞元三年

人弘農譚氏襄陽郡夫人國子博士知幾之子也克
訓母儀川光則與以末泰三年薨于南康郡以大
歷四年合祔焉禮也嗣十一長曰捷端州刺史曰大
擢前右金吾衛兵曹參軍次曰為試大理直康州刺
史次曰抗檢校戶部郎中兼御史中丞賜紫金魚袋
朔方邠寧節度司馬次曰捍前弘文生皆王之蓋臣
國之多士令德之後必大其門公嘗與季弟同泛滄
溟細鱸鯨鯢凡數百輩忽驚騰震發駭浪山連當呀
呷之特謂沮沒同蓋為遠為鶴君可保焉而中霄返
風漂泊孤嶼遲明相視各在津亭同役之人僅有在
者則知商丘踏信入之而不傷呂梁履忠浙之而莫
惴惴悌君子福祿綏之宜其克享永年亦既逢吉且
公之立身可謂盡美矣喪致哀稱其孝也入幕決勝
稱其才也列在藩翰則德化之政聞授之斧鉞則式
遏之功著佐元昆則潤色王業睦諸季則致美閨門
至於推挽忠良揄揚俊乂力行不怠時議高之夫生
死有懷古今同畫歿而不朽君子邁之所忝跡儒林
堂讀舊史覽賢人之事業知盛德之在焉敢揚休聲
以誌貞石銘曰軒轅錫美石代蕃昌茲孤得姓受邑
于張五代相韓七貂居漢平子數術茂先翊贊証鍾

蘇慶克享大名爰至我公天姿挺生率禮立身依仁
從政學該百代官諭三命再登幕府四列藩條威行
節制化令謳誼作牧襄陽授兵南越江漢底定要荒
胥悅死生有命脩短靡常禮贈殊秩魂歸故鄉松楸
成列丘陵無改夏在登忠襄公文進墓在樂昌縣東長
日冬夜精靈斯在鄧忠襄公文進墓在城西四十里成家山嘉靖
舊勞說宋余襄公靖墓在城西四十里成家山嘉靖
撰墓志奉詔重建饗堂編夫看守○歐陽脩撰神道碑始興
襄公既葬于曲江之明年其子仲荀走于毫以來告
曰余氏世為閩人五代之際逃亂于韶自高會以來
晦迹嘉遁至於傳士府君始有祿仕而襄繼之以大
曲江僻在嶺表自始興張文獻有聲于唐為賢相至
公復出為宋名臣蓋余徒韶歷四世始有顯仕而曲
江寂寥三百年然後始再有人惟公位登天臺正
秩三品遂有爵士開國鄉州以繼美前哲而為韶人
榮至於褒卹贈諡始終之寵盛矣蓋褒有詔卹有物
贈有誥而行有謚考功有議有狀合而誌之以闕諸幽
有銘可謂備矣惟是螭首龜趺揭于墓隧以表見於
後世而昭示其子孫者宜有辭而闕焉敢以為請按

嘉靖二十六年

卷之六

七

余氏韶州曲江人曾祖諱從祖諱榮皆以不仕父諱慶大夫常博士累贈太常少卿公諱靖字安道官至朝散大夫守工部尚書充集賢院學士知廣州軍州事兼廣南東路兵馬都鈐轄經累安撫使柱國始興郡開國公食邑三千六百戶食實封二百戶治平元年自廣朝京師六月癸亥以疾薨於金陵天子憫然輟視朝一日賻以粟帛贈刑部尚書謚曰襄明年七月乙酉返塋于曲江之龍歸鄉成家山之原公為人質重剛勁而言語恂恂不見喜怒自少博學強記至於歷代史記雜家小說陰陽律曆外暨浮屠老子之書無所不通天聖二年舉進士為贛縣尉以書判拔萃改將作監丞知新建縣再遷秘書丞刊校三史克集賢校理天章閣侍制范公仲淹以言事觸宰相得罪諫官御史不敢言公疏論之坐貶監筠州酒稅稍徙秦州以而天子感悟亟復用范公而因之以被斥者皆召還惟公以便親乞知英州遷太常博士丁母憂服除遂還為集賢校理同判太常禮院景祐慶曆之間天下怠於久安吏習因循多失職及趙元昊以夏及師出久無功懸官財屈而民重困天子赫然思振頹弊以脩百度既已更用二三大臣又曾置諫官四

員使言天下事公其一人也即改右正言供職公感激奮勵遇事輒言無所迴避姦諛推倖屏息畏之其補益多矣然亦不勝其怨嫉也慶曆四年元昊納誓請和將加封冊而契丹以兵臨境上遣使言為中國討賊請止毋與和朝廷患之欲聽重絕夏人而兵不得息不聽生事北邊議未決公獨以謂中國厭兵久矣此契丹之所幸一日使吾息兵養勇非其利也故不遣而假公諫議大夫以報公從十餘騎馳出居庸關見虜於九十九泉從容坐帳中辯折往復數十卒屈其議取其要領而還朝廷遂發夏冊臣元昊西師既解嚴而北邊亦無事是歲以公知制誥史館脩撰而契丹卒自攻元昊明年使來告捷又以公往報坐習虜語出知吉州怨家因之中以事左遷將作少監分司南京公怡然還鄉里社門謝賓客絕人事九六年天子每思之欲用者數矣大臣有不喜者第遷光祿少卿于家又以為雅州刺史壽州兵馬鈐轄辭不拜皇祐二年祀明堂覃恩遷衛尉卿明年知虔州丁父憂去官而蠻賊儂智高陷邕州連破嶺南州縣圍廣州乃即廬中起公為秘書監知潭州即日疾馳在

道改知桂州廣南西路經畧安撫使公奏曰賊在東
而徙臣西非臣志也天子嘉之即詔公經制廣州而
智高復西走邕州自智高初起交址請出兵助討賊
詔不許公以謂智高交趾救者宜聽出與交址接境今不
意累疏論之不報至是公曰邕州與交址會兵又募儂
黃諸姓酋豪皆縻以職與之誓約使聽節制或疑其
不可用公曰使不與智高合足矣及智高入邕州遂
無外援既而宣撫使狄青會公兵敗賊於歸仁智高
走入峒邕州平公請復終喪不許諸將班師以智高
尚在請留公廣西委以後事遷給事中諫官御史列
疏言公功多而賞薄帝遷尚書工部侍郎留廣西逾
年撫緝完復嶺海肅然又遣人入持磨襲取智高母
及其弟一人俘於京師斬之拜集賢院學士之徒知
潭州又徙青州再遷吏部侍郎嘉祐五年交址寇邕
州殺五巡檢天子以謂恩信著於嶺外而為交址所
畏者公也驛召以為廣西體量安撫使悉發荆湖兵
以從公至則移檄交趾召其臣費嘉祐詰責之嘉祐
里恐對曰種落犯邊罪當死願歸取首惡以獻即械
五人送欽州斬于界上公還邕人渡道晉之不得明

年以尚書左丞知廣州英宗即位遷工部尚書代還
道病卒享年六十五公經制五管前後十年凡治六
州所至有惠愛雖在兵間手不釋卷有文集二十卷
奏議五卷三史刊誤四十卷娶林氏封魯郡夫人子
男三人伯莊殿中丞早卒仲荀今為屯田員外郎叔
英大理評事女六人長適職方員外郎郭師愈次適
屯田員外郎孫邵次適越州上虞縣主簿張元淳一尚
秘書郎章惇裕次適越州上虞縣主簿張元淳一尚
幼孫男七人嗣恭嗣昌皆大理評事嗣隆太常寺奉
禮嗣徽嗣光嗣立嗣京未仕孫女五人銘曰余遷曲
江仍世不顯奮自襄公有聲甚遠始興開國肇美于
前兩賢相望三百年間偉哉襄公惟邦之直始登于
朝官有言責左右獻納茲諛屏息慶曆之治實多補
益逢時有事奔走南此功書史官名在夷狄出入艱
勤險夷一德小人之諛公廢于里一方有警公起于
家威行信結嶺海幽遐公之在焉帝不南顧胡召其
還殞于中路返柩來歸詔人負土代石屯田郎中黃
刻辭立于墓門以貽來世詎止詔人石屯田郎中黃
仲通墓君諱仲通韶州曲江人本名正以犯祖諱遂

稱字焉家本寒素刺史潘公見之曰此奇童也命其
父使從學及冠以辭賦知名場屋間天聖初進士擢
第累授信州大名府司理參軍時天章閣待制王公
公主河北漕上言引濟水御河澆灌懷衛民曰辟府
君為衛州推官以通水利秩滿故丞相沂國文正王
公峽國正獻杜公交章薦之詔改著作佐郎監廣州
軍資庫未幾遷秘書丞知南儀州以病乞換江南監
當徙監宣州商稅按察使以歙州與賦獄訟繁顛請
擇材士共替幕畫就除太常博士簽書欽州判官公
專尋賜緋通判建州知惠州累遷至屯田郎中懷蠻
之冠廣州惠最為近府君增堞濬隍民用以安監司
以勞聞及罷惠州也年六十八矣迺嘆曰鍾鳴漏盡
遂不復朝朝廷授一子官而致其政以寵之休官凡
六年以嘉祐四年六月丁亥考終命于曲江里舍享
年七十四府君少勤學家貧無書手寫細字五經注
疏及文賦數萬篇暨登第後性復恬素不急進取每
歎祿不逮親所得之俸常均給兄弟及諸親之貧者
鄉閭無不服其德朋友未嘗與之忤當官以幹稱治
獄以恕聞其所薦舉皆當世名公鉅人而所享名位

不盡其材壽終之口家無餘資第以清苦自立真全
德者也曾祖諱烜祖諱嬰贈職方員外郎妣氏累
封貞陽曲江南陽縣太君凡再娶初曰劉氏封中山
縣君大常少卿賽之妹也次曰楊氏封福昌縣君三
男子長曰亢早夭次曰佺期太廟齋郎次曰安期試
秘書省校書郎其年七月姪新胡陽主簿寶臣太子
中舍新知潮陽縣事分與諸孤奉其柩葬於豐樂鄉
之鄧林山靖在諸甥之列幼授師訓居同里舉進士
同榜宦遊險易未嘗不相親也及府君之驩暨茲去
也靖適經制蠻事不克還鄉以奉朝夕之驩暨茲去
世又不獲歸奠葬不及執紼其痛豈有涯哉迴附銘
以紓恨焉韶州相水南國之紀生是俊明具茲粹美
學必根道祿不私已幹聞朝廷始稱鄉里籍未引年
志先知止沒餘積清白而已始終一節古之君子
佳城何在鄧林之趾九原何從文獻斯邇身雖可殞
名不泯矣我懷舅氏生同榮悴今也云亡莫親含殮
握筆誄德臨紙搗淚大理寺丞知梅州王式墓在曲
終天未訣此情何寄大理寺丞知梅州王式墓在曲
興文鄉折桂里○余靖墓碣銘王氏之盛於天下舊
矣以望別族者秦之郡五漢之郡一十六公之望實

出太原自司馬氏南渡而諸王世為輔弼梁永寧郡
公侍中尚書令僧辯生顓顓生瑋唐正觀中宰相以
亮直稱為名臣瑋子敬直尚南平公主拜駙馬都尉
坐事貶死嶺南子孫留者因為曲江著姓雖世襲簪
紳不絕而祿卑不得譜於國史曾大父諱某大父諱
當劉氏自即尊號族人仕者皆得美官獨父子幅中
高蹈不覲其餽考諱臨字嘉謀皇朝以鄉邑器望署
潮州司理參軍卒官公諱式字用之十四而孤耿介
自立以學行見稱舉進士得秘書省校書郎歷廣州
虔州南安軍司理參軍入朝除大理寺丞知吉州未
新縣以能聞明年移知梅州景祐五年七月卒於治
所享年六十五公沉厚方直敦尚名教自幼孤至白
首貫以一節舊制嶺表按察官歲調郡縣掾佐關員
取進士再舉明經三舉下入大常第者試攝其事三
載不壞厥職乃送吏部為品官邦人自為南選常才
趨之唯恐不及公嘗喟然曰曲江自文獻公後士大
夫鮮復以科第取顯爵於朝豈南方以此選誘人為
卑耶吾為州黨項領期於展力從官詎宜碌碌其為
間由是自弱冠捧鄉老書遊場屋三十年終不屈意
暨上第時母夫人猶在堂升堂拜嘉問里始歸其高

焉今天子初踐祚在諒闇不待祥禪即臨軒急於採
擷天下俊異而曲江聯翩六人中第皆公之力六人
郡公及子陶餘若靖輩悉嘗趨函丈焉郡守嘉尚縷
陳其事乞政公所居之鄉曰興文里曰折桂詔可其
奏邦邑榮之三為決曹掾以清慎自守發擿姦伏瀦
洗良善期於詳允微無隱情雖苛吏把其上狡胥穴
其下不敢簪毫奪其理卒以雪枉改官其宰求新也
俗固好訟而當官者復浸渙之公一皆痛刮其弊民
戴之如父母焉公始掾南海遭內難解官在姦衰之
年而致毀過制遂以氣恙到梅之二月疾作不及成
政而指歸舍公志尚高潔義不苟合訓子弟有常檢
按僚友無戲言聞人之善談不虛口其不善者疾如
仇讎直所謂古之君子也夫人余氏鄉邦令望明淑
賢懿上奉其姑下撫其族於公內助為多二子長曰
陶信州軍事推官次曰防亦舉進士孫男六人孫女
五人皆幼公之初喪也引柩西還藁葬其郊居之側
至某年某月某日以禮襄事于興鄉折桂里厚富
原以靖幸而交其父子間兼師友重使來索銘以
表其墓乃銘曰韶山之秀發為俊茂清識懿文南州
領袖人趨祿仕不羞苟得公獨夷由決於翰墨五試

文昌晚成之光三掾决曹罔私毫芒明照隱詆民不
 寃死入奏天子乃丞大理試政蒲蘆五柳雙鳧鋤強
 息弱百里以蘇暮年成績部符嶺阨車茵未温卧簣
 巴易旌旆西還霜凄露溥福不盈皆俄歸九原惟公
 之德侷儻殊特身雖云亡番為軌則詞學起家義方
 教子有詔旌之文鄉桂里胡為石彦累世弗顯才不
 誰知卒於遐遠勢薄地寒不譚忠愍公必墓在樂昌
 貴不年廷尉高門在于後昆譚忠愍公必墓在樂昌
 平虞家墓在英德縣西二十里相本朝布政使白思
 謙墓在樂昌縣北周山鄧忠毅公顯墓在戴上平大
 墓誌銘括寇起犯廣信界信之求豐知縣鄧公率民
 丁拒之於其縣境高洲接戰十數衆寡不敵為賊所
 執罵不絕聲而死時正統戊辰八月也事聞朝命
 贈公奉議大夫光祿寺少卿給布六十端米三十石
 後又用言者特賜謚恭毅命有司祠于鄉郡及所
 治公諱顯字伯昂韶之樂昌人也樂昌之鄧自漢以
 來為著姓累世通顯至公登劉儼榜進士第觀政戶
 部嘗奉命使湖湘勞軍士不受私餽時稱其廉事竣

回徵求豐知縣縣當閩浙之交時鄧茂七反於閩葉
 宗留嘯聚于浙江以西相扇不靖水豐尤切近之公
 至集丁壯備器械塞蹊徑據要害晝夜會僚吏父老
 講求所以為備禦之具者甚悉時亦有所擒獲賊自
 是相戒不敢犯縣境公於是修政事課農桑理冤滯
 招流亡毀淫祠及奏減重稅又以其暇日進諸生講
 經史習禮容用是民大和洽境內清肅鄰境之民咸
 以不得公為歉爭赴上司告欲借公邑人父老亦恐
 公遂為他邑所奪也亦相率留焉江西布政使吳潤
 等三上章薦之不報最後為巡撫侍郎楊寧命都御
 史張楷交章論薦為江西按察僉事命未下而公
 死矣是時年若干公貌不踰中人而慷慨有志節
 屹然自立不肯詭隨於書無所不讀而為技葉浮
 華之習旁通星命術數之學所言亦或奇中臨事明
 决操守潔白其在未豐藩臬有所難處事雖非公所
 治亦以檄代理鄰藩聞其名亦或有借委焉嘗莅
 事建之浦城脫當沒入者三十餘家又覈處州坑冶
 免銀課者若干兩其人皆報以重貲公悉固拒不受
 其所為卓卓如此類者甚多噫有德而不及大施有
 才而不克盡用使公得高位膺重任所行當不止此

惜哉雖然與公同時者後公十數年往往致身通顯
敷歷中外其間樹功業隆譽望者固多有之然因之
而播其惡于衆遺穢後世者亦或不能無矣求如公
生無所愧死得其流芳史冊廟食百祀者蓋僅有
者也以少為貴公之所得多矣曾祖希文祖子謙父
道衡母夏氏生母龔氏夫人白氏生子二人長曰瑗
鄉貢進士次曰球孫男若干人公死之日雷雨大作
賊大懼置公屍歸高洲巡檢司署中明日邑人始昇
歸棺殮于邑之城隍廟又幾月日瑗始護公喪歸以
年月日葬于樂昌之原銘曰伊昔越產入古史謀匪
賢則忠奸倭絕跡屹屹鄧公以死衛民以死報君有
光前聞廟食在人列傳在史於平公乎人孰不死

南雄府

鼻天子陵 在始興縣南二十里不知何代相傳昔八
鼓大呼懼不敢取而返間日重往掩 隋宿國公麥鐵
封如故地出鉛銅有青鉛可為藥
杖墓 在保昌百順山下 宋許朝散致墓 在始興塘村 贈奉直大

夫都醉墓 在始興大夫村 本朝陳都御史德文墓 在

昌蒲湖塘翰林院 禔知府明德墓 在保昌大木坑 蕭知府守
中墓 在保昌城南一 贈左給事中譚驥墓 在保昌北關

惠州府

晉葛洪衣冠塚 在羅浮山冲靈觀後 唐王體觀墓 在

浮山佛寺南岡唐李興改墓立 宋丞相吳潛墓 在歸
木於墓誌曰王處士達于此

南嶺承務郎朱誥墓 在歸善半徑屏山之下從 秘書
郎張宋卿墓 在羅浮山白蓮池上 宋卿母方娠父夢人

下知四十二年閉富貴蒲船空載月明歸未幾誕宋
卿以春秋為天下第一至肇慶守卒于官年四十二
舟還初殯僧利名白蓮軒既墓于羅浮峯下前有小
池號曰白蓮池乃知慶中之句無一不驗也○鄭氏

瞻詩朱明洞口水南流派到蓮池總是朝奉大夫盧

愁惆悵麻姑峯下路芾荷猶折露溥秋朝奉大夫盧

邵義墓在傳羅北七循州守郭安仁墓在海豐縣揚

口翰林學士羅孟郊墓在興寧縣南六里長陂羅塘

佛尋訪得之重加封樹有自為記見縣志云逾十

年知縣方述招寃莖于黃板橋謂長陂之墓為弗真

夫長坡既弗真則亦猶夫招寃之莖可也又何本朝

心而為黃板橋之役君子獨當存此而去彼也

東莞伯何直墓在歸善中允陳灝墓在馬進士翟彥

榮墓在響地舖參政吳高墓在黃塘永州知府蕭青墓在黃

參議葉頤墓在馬僉事郭觀墓在黃塘新村進士鍾雅墓

地舖慶遠知府葉應墓在響地舖雲南按察副使姚祥墓

通政參議張詔墓銘雲南副使姚公既卒之明年

十二月二十日葬于里之下鄉午向之原先期諸

孤欽等奉狀泣拜請銘公余妹婿也雖情弗忍銘抑
誼弗忍弗銘乃按狀序而銘之公諱祥字應龍初
希菴晚更玄谷道人系出姚文獻之後宋南渡避
南雄後遷惠州歸善遂家焉高祖勞菴生竹溪竹
生鑑湖鑑湖生公自幼穎脫日記數千言白鶴迴
檢干懷遂認公公自幼穎脫日記數千言白鶴迴
不羈補郡學生成化丁酉領鄉薦春試下第卒業于
成均辛丑登王華榜進士授江西新喻知縣丁內艱
服闋改沛縣召起擢進士授江西新喻知縣丁內艱
階封考如公官姓梁氏繼陳氏贈孺人御史推恩進
孺人遷雲南按察副使丁外艱服闋改湖廣南交任
適權奸閣雲南官用事被誣謫戍鐵嶺已而擢奸敗
于市乃復公官仍改雲南時公已得釋南歸至濠瀼
驛條然長逝矣改任後復推按察使公身後蓋有遺
榮焉公之治邑也首除民害凡興造率關政體其想
火災擒大盜障河決之功尤偉屢以賢能薦其居
侍也危言直道凡建言彈劾不為權豪少撓其後
卷廣西次巡視馬草場通州倉繼巡按四川佐憲外
臺激揚廉貪旌表貞節事功卓卓在人口至今稱之
不衰其在謫也了不皺眉解任之日了不色喜及在

客途屬續矣了不牽戀作一詩而逝烏乎若公者處
 富貴患難生死之大不畧改其故步亦難矣哉公生
 天順己卯年六月十七日卒正德庚午年十二月
 四日得年五十六有三月張氏先郡守公次女余之
 也子六人曰錄予欽郡學生曰銓曰鈞曰鎔曰鋼俱先
 張氏出曰泗欽淳樸仗義當公被難時慨然欲效源
 曰舉為人沮乃不遠萬里抵謫所省公餘亦秀拔可
 之舉蓋公後必昌於是乎可占云銘曰少掇巍科名
 愛起公後必昌於是乎可占云銘曰少掇巍科名
 日然百邪俱調牛刀小試賢能屢薦入居近侍風采
 凜然百邪俱調牛刀小試賢能屢薦入居近侍風采
 色喜生邪俱調牛刀小試賢能屢薦入居近侍風采
 新序我銘徵遠之地我視進士楊天祥墓原在書齋今
 唐勳墓在赤江赤江在赤江赤江在赤江赤江在赤江
 約墓在浮碧園知府楊頤墓在羅仙侍郎李頤墓在
 西五里筆架山使曾祿墓在香積寺參政何歆墓孝子
 山西南麓

何宇新墓

在黎村○檢計陳獻章封何孝子廬墓詩
 緘未了西涯意諸作還經老手封活水有源終到海
 遊絲無力砥隨風肯將吾道千年計洮入羅浮四百
 峯○前檢討莊景次韻題何孝子卷聖世非無孝公
 今孝行門地苦誰父母天地此兒孫卓行江門定綱
 常萬古存更知中道意夫子且無言○學士張元禎
 次韻題何孝子卷黃誥又歸焚羅浮舊墓門鄉間瞻
 盛典父老說兒孫孝感天能久民葵此特存不才叨
 故識何幸奉皇言○大學士李東陽大書題孝行高
 義比旌門許邵同鄉里何蕃有子孫乾坤吾分內骨
 肉我生存贈爾三緘意逢人慎勿言○祭酒謝鐸朝
 廷崇孝理問巷每旌門妙感極天地流光應子孫
 知吾道大須自此心存君看子騫子何嘗有間言時
 清多剩祿吏隱得專門與不妨泉石恩堪長子孫天
 心誰可卜孝感此中存珍重申公教躬行不在言

尚書張津墓在縣治西五里許潯州知府馬昇墓在
 源隔河二十御史古彥輝墓在長樂寧都知縣王天
 里馬姑嶺

與墓在興寧東北半里湖背有顯鮑靚女墓靚在南
 及笄無悲悼葬於羅浮山文二女墓
 略無悲悼葬於羅浮山文二女墓
 忠信都二角村旗山下有副使黃昭記按景炎元年
 十月公帥師至汀州十一月宋帝次潮州明年正月
 帝在惠州空坑公之夫人與二子二女皆被執公與一
 子奔循州而家人送於燕史之載如此今河源有三
 角村村有荒塚外有橋曰儒女橋鄉進士謝宜申別
 業在側進士常聞其祖傳以為塚即文山二女之墓
 橋亦因以名也乃復考諸文山詩史云丙子定娘壽
 娘以病死干河源之三角村有集杜詩兩韻以哀之
 乃知二女之卒蓋在是年之冬而其後被執沒於燕
 者又二女也於足益信其墓為文女死義之所稍為
 除治亦有言以志之者矣正德乙亥予行部至惠進
 其墓事鯨未因邑令鄭敬道請記於隧以示來者
 身令之勒加封植而書歸俾以刻之夫人兩間守
 以殉國孝以從父死而後已此事之至者為子而孝忠

以前烈聲跡相及蓋吾力以扶衛顯暴之為史者以
 表忠孝勸庶衆成人美為務亦事之至者也故凡
 其至者而為之則雖億兆人之衆千白世之烈女姚
 遠無不同者茲墓之重於人而不沒也審矣烈女姚
 氏墓在博羅縣東螺湖側○御史姚虞傳曰烈氏傳
 間劇寇李志祥集衆避度不免迺緣崖石躡巔而上無何
 居公庄倉皇潛避度不免迺緣崖石躡巔而上無何
 寇追且至挾刃欲汚之女厲聲罵不屈即投崖石尚
 死後鄉人具棺殮之迄于今血瑩瑩光不謂窮鄉
 滅云嗟夫光岳正氣漓士罕於全節矣不謂窮鄉
 掃中有天地至性能伍曹娥柏人紀如此嫉者也故
 為之傳以備觀孝女彭掌珠墓在海豐縣西楊安都
 民風者職焉觀孝女彭掌珠墓在海豐縣西楊安都
 參議宋茂熙歌曰鬢裁彭氏女性孝自天植茫茫寰
 宇間獨手樹鰲極仰吟高堂親我身親所生我身不
 足惜親身詎敢輕一朝父病若湯藥女心石憂淚不
 落禱神但得父病瘥一兒股可割肉可嚼霜刀初展天
 為悲倏忽暗雲主雨絲孝感終然父亦愈女名終此
 疏駐遠道事年來人爭慨折蘭稿蕙香猶在千秋墓

道孝女碑回頭
不愧五坡祠

潮州府

南齊程收墓在程鄉縣義化都故老柩殿直許珏墓

在城東洗馬橋旁尚宋直講盧侗墓在歸仁都登塘

馬禮部尚書王大寶墓在城東北四十里○有胡銓

生耶柳偶生耶謂為國耶曷用而不盡耶上在潛宮

公力抗議大上感悟卒定大計隆興之初筆橐典禮

相時射利請罷試諫議屢嬰逆鱗諛諛氣肉食者鄙

觸幸相嗔左官司馬引疾丐歸詔留不可回首謂銓

君遂孤立相顧泫然作新亭泣軌道改元召擢常伯

雖突不得黔何獨歎墨一斤不復尚書度支員外郎

林從固墓在海陽縣○余靖墓碣銘并序公諱從固

世祖自南安徙居潮州宗族盤互為海陽著姓曾大

父諱基大父諱某丘園貞素咸以冲曠終焉父璨少

以節惠稱於鄉黨復謹義方訓子遂起其家四進秩

太子洗馬致仕公即長子景德二年由進士上第敕

除泉州南安主簿郡以符召為掾日持手板與刺史

廷辯曲直凜然有國士之風主計者聞其材俾蒞劍

州銀冶半歲入銀銅七十一萬其最以聞大子嘉之

擢授大理評事筦推未嘉復以課遷本寺丞知開封

考城縣遭母喪解官柴毀過禮問里指為標準服闕

又丞殿中勾當諸司糧料院大司徒王公欽若鎮餘

杭秦辟公為副詔授太常博士通判杭州軍州事司

徒故相長於智術處事與朝廷約東不能無異同公

悉力牽挽歸於繩墨而後已田員外郎充開封府推

廣東通志卷十八

與世

五


謂父以勢位相傾俄而棄節於洛得罪其嘗所厚者
悉坐左遷公在餘杭以杭直不黨聞於朝故得免矣
然亦格不用晉公敗乃為天府佐司徒再秉國鈞猶
以前佐郡時持正不能屈終亦疎之在府三年凡易
四尹太后帝知名而終不遷止以平例外補遂卒
命也哉公性耿介不容人私京邑浩穰壓於權貴請
託不得循理可否公銳意痛絕私謁所得權貴人翰
墨都不得省視至夕聚而焚之由是勢益孤上初即位
富於春秋莊獻皇太后殿職官一垂簾御長春殿共斷
天下事故大尹上殿職官一員同陟殿陛與大尹
東而獻指公語上曰此其也近侍咸聞焉公之奏
退常出文法之外故兩宮多之府民有殺其兄之二
千以規其財者長被鎗即死其幼走以事發微成
以母年八十法當留待公乃建言使無狀子居毋側
以凌其幼孤必無全理且孤孫雖穉亦能為祖母養
留之惠茲不可讀奏未畢太后遽頷之曰人情當如
此即命配海外公之持平固執皆此類也其在南安
城人也嘗與某言王府屬邑多以引望奏請然

罷去二十餘年耆舊言父母官無及林公者聞公亡
時或至雷泣其政感人心如此公屬文不苟為華媚
遣言指事必根政道再獻賦頌悉以規誠為本上亦
再以手詔褒之公之弟五人其長曰從道皆良士也
曰從式次曰從變次曰從義次曰從德待祠例授一子
之物莫王於園丘也公以府僚待祠例授一子出身上
公之二子皆白身未仕獨念母弟早亡嗣續未光遂
先奏其孤以慰藉之言行義者咸共推服公娶鄉里
張氏封清河縣君公之存以婦順助其內公之沒以
母道嚴其家宗族奉之如師保焉生二男三女長子
東喬光祿寺丞次子東美舉進士長女嫁大理寺丞
許因其次女封德安縣君幼女嫁進士魏庚孫幾人
公之卒也弟從慶及其孤扶其柩踰蜀嶺以歸而洗
馬府君亦以其年四月壬戌卒遂以天聖五年某月
舉二喪同域葬于某鄉某里某原姓曰臨穎縣太君
鍾氏前葬某鄉某原卜人曰吉遂不克其幸得娶
公中女公既窆十五年乃克拜于松楸之下於某
其族姻詢訪遺懿在人之間者書之石以為表云
爾銘曰鵲火耀芒重離協光下生俊傑發為端方俗
尚軟熟視如堅剛君子居之不易其常仁義內絡我

皇朝通志卷八

忠臣列傳

四十六



廣通...

...

...

知克舉爵祿外至委于所遇萬乘知名身猶齟齬才
乎命乎天不兼予未仲明謨弗克中壽善之所報將
在干後惟石言言立于松

龍圖閣學士劉昉墓俱在東廂桃坑之丞相陸秀夫墓

在府城南八十里海中嶼上石碑尚存秀夫立衛王

于崖山及崖山破乃伏劍驅妻子入海即負王赴海

死按一統志并舊志俱云載考宋鑑崖山屬新會縣

南去湖廣各四百餘里今云去城南八十里恐誤矣

同知畢份訪其碑石已無存者知府彭延年墓在揭

今仍之以傳疑也以上海陽縣遂占籍于浦口村墓後

宮溪浮丘山延年原知潮州府主翌早其裔孫赴訴

為民豐塋嘉靖元年見夢于府主翌早其裔孫赴訴

果符鄉賢郭叔雲墓在揭陽縣元戴希文墓在海陽

所夢鄉賢郭叔雲墓在揭陽縣元戴希文墓在海陽

乃知希文墓設奠再拜訪其後而歸之樞密同知陳

肅墓在海陽東本朝參議林興祖墓大學士揚士奇

肅墓在海陽東本朝參議林興祖墓大學士揚士奇

政司參議林公永樂九年九月七日卒春秋五十有

一林之先居光州固始唐末諱靖者從王審知于閩

以功封忠烈侯終于闕子孫遂家福清之古隆至元

諱廷玉隱居不仕生考亭書院山長時中山長生福

建行省負外郎子華公之父也負外元季鎮潮州又

家於潮公諱興祖字伯禎幼穎敏嗜學七歲而孤母

陳守節不嫁教育之稍長出從明師十四歲而孤母

五從師授春秋經日習舉子業家貧教授以養母而

能盡孝母嘗坐舅氏累逮至縣庭將笞之公叩頭哭

廉操如蓬萊吏民戴之滿一載聖代府長史以勵俗而

...

...

...

論及襲衣文綺當塗耆老數十人伏闕下乞留不
 得皆涕泣去公為長史夙夜思所以國輔之道疏陳
 十餘事又隨事直諫不見聽朝廷知之召還改命
 部都水郎中居無幾陞廣西右參議時安南逆命
 朝廷方出師討叛授之命馳驛之既至即躬詣
 邊境周視嶮易繪圖以進且獻所規畫又請兵之所
 加止罪叛逆預禁將士俘獲生口用慰來蘇之望踰
 年安南平郡縣其地復叛公分守盤灘城所招降三
 十餘人皆在城中寇圍城急主帥慮三十人為變將
 盡殺之公曰吾既許以不死殺之不信將何以後
 來者且三十人何能為卒不殺而寇解圍去公在交
 趾再歲朝京師至藤縣卒其為人端重有雅度終日
 端坐人未嘗見其疾言遽色事寡姊如母訓育孤甥
 如子卒致有立其友張禮聞為學正死賓州子政孤
 弱不能歸公至廣西召與其子同學業成厚贖遣歸
 後政亦致顯宦公居數千卷嘗指示其子曰吾以是
 利家無餘貲惟積書為古文所賦詩有崇陰清趣集
 遺爾足矣汝勉之好各族有孝德後公十年卒子男
 藏于家其配黎氏故

一厚末樂辛丑進士今為鄭州知州女二長歸段某
 次歸百戶周鎮孫男五舉阜輩準獅女二公卒之明
 年厚奉葬于郡韓山之東先塋之次今三十年矣具
 事狀介吾友彭子斐求墓表余其會試禮部時考官
 義不容辭故敘次而為之表曰孝篤於親行寺丞王
 備於身仕有及民嗚呼伯禎君子哉若人
 昂墓在揭陽李坑山編脩蘇葵銘曰大家之裔甲科
 政行教舉靡不翕受大為太僕道不停車雲錦成群
 民因以舒天不祐德旅觀南還靈原盤固於萬斯年
 太僕卿吳裕墓在揭陽黃陂山御賜祭墓○學士
 商命后聖攸吝曰僕臣正厥後失職惟以馬政漢興
 設官脩馬復令循至子唐閑廐益盛惟公早歲出由
 甲科南北郎署歲月父磨論其勤勞銓曹為多扣而
 不隨平而不阿冢宰倚之黜陟無頗翔集銀臺起領
 太僕比檄戒嚴裁及馬畜選閱日勞聲彼監牧師出
 雲中萬騎馳逐邊功則成公病不祿惟帝至仁軫
 念僕臣錫以卹典用光其塋公則亡矣厚德未長史
 淪哀服在喪幼稚洗洗祿位有餘尚遺後人

清通志卷六

吳九

三

莊典墓 在揭陽韓山東白瓷宛山嘉靖改元御史王完奏公直節勁氣凜不可奪足以收國家百

餘年養士之效守正被害誠為可憫蒙尚書榮簡公

欽議追贈太常寺少卿 諭祭一壇

盛端明墓 在海陽北廂鳳山村 御賜祭葬 司正薛侃墓 在揭陽地 美都鳳鳴

山主事陳思謙墓 在揭陽城 御賜祭葬 尚書翁萬達墓 在揭陽城 御賜祭葬

大學士嚴嵩撰神道碑曰夫有強毅閱達之士出則

經營四方隨試而效歸則悠然自適于丘壑之間若

無與世故者此其志有不群所養有不可涯矣者矣至

乃履蹈險艱弗克大展其用用矣奄忽而逝會不少待嗟

夫天之生才何其難而奪之何其易邪東涯翁公之歿也其弟

國子生萬程使來告哀而以神道之文為請公負

武才干城之寄惟公足賴迺天不憖遺可不為天下

慟邪予託交于公號知已文惡乎可辭公諱萬達字

仁夫湖州揭陽人也翁之世繫予嘗銘其先尚書梅

齋公之墓已詳蓋自梅齋而上世有隱德公生而舉

止不凡梅齋異之曰是將大吾門乎弱冠文名籍甚

嘉靖乙酉舉鄉薦明年登進士授戶部主事性貞外

郎郎中以才陞梧州知府哲民吏糾居號難治荒僻
四年威惠並著安南夕不貢詔出師問罪即擢公
廣西按察副使經理其事督兵於南寧公密募敢死
士人莫登庸地盡得其購藥碎刃置毒上流截筒陷
馬及賂關吏伴傳襲廣東以撓我諸狀乃下令敢有
與賊通者磔于市能擒賊獻者賞百金龍州憑祥州
上舍趙楷帝應李象為賊腹心日伺我事竊告之公
白督府曰三虎鼎立二州之間威不可宿勢不可迫
應慎懦寡慮且父擒斷其就縛論死二州以次第獲
也督府即以屬公三賊者果就縛論死二州以次第獲
江斷藤峽徑蠻據險梗化非一日矣適酋弟曰公丁
者操眾扇亂公以計擒之乘勢攻諸巢賊皆破遁斬
獲無數撫其餘黨向順者三千人藤峽悉平四峒介
思明忠州之問所隸不常府與州互爭莫能歸一公
建議以地割屬南寧特設撫民通判一員治之築
城署分保甲峒民藿躍稱更生土人黃賢相素驚驚
稱兵脅眾至是亦還所侵地登庸聞內寇輯寧乃始
大恐請納欵如期會陞公浙江參政督府上疏留公
改仍廣西參政是冬登庸以不死授使職治其地是役也兵
都統使司宥登庸以不死授使職治其地是役也兵

不血刃事以輯寧公之功居最擢陝西未幾擢兵部侍郎
 布政使尋擢右副都御史巡撫陝西未幾擢兵部侍郎
 即兼都御史總督宣大大同宗室有潛謀勾虜為患
 者公廉以聞明正其罪既而議築邊牆東自老營堡
 西距滑石澗幾二百里增墩堡添壕壑工距而費省
 海民賴焉數歲虜不敢睨即少鈔掠無能深入及曹
 家莊之捷尤備謀報虜寇宣府時大帥周尚文方
 幸宣府之無備而巳獲安惡謀者之泄也杖而繫之
 獄公知其情馳疏告急請即以尚文責往禦賊而繫之
 廷從之勅尚文即日兼程赴敵公迺躬探甲冑督兵
 為援虜不虞其猝至也大驚宵遁公又督尚文追擊
 出境捷聞上嘉悅陞兵部尚書兼右副都御史尋
 召柄本兵公在鎮以築濠獲奸奏捷錫金幣者六蔭
 子者二公惟一子辭蔭不久乃請以蔭其弟萬程焉
 在本兵數月奔傷齋公之喪明年虜犯畿甸廷議咸
 請以兵革奪情起公特召為兵部尚書驛使數輩
 趣之公聞命哭辭几進即日就道遠不能即至
 上屢問曰翁某至未耶既至上章待罪命奪秩候用
 不數日命以兵部右侍郎即兼都御史經畧紫荆諸關
 公墨縷治軍事心苦形瘁足病忽作疏乞歸終制而

中字訛誤 上怒斥為民先是逆鸞奉命廣
 靡下卒擾民公嘗笞之又得其索登庸之略鸞故劫
 齒恨公數中傷之公去踰年鸞以逆戮公之忠誠益
 著 上亦思大用會本兵尚書員缺遂起公于家無
 何命下而公不逮矣公謀慮精審沉毅善斷據牘書
 奏論議泉湧發迅不可制故能達變濟摧動有
 成筭古稱王佐才庶近之矣襟度坦夷與門人故交
 談歸論文疊疊不倦夙好山水興至窮幽探勝旬日抵
 清流疾作謂僕曰亟返吾將逝矣舟次上杭而卒疾
 方劇仰天嘆曰已矣乎受國厚恩無以報也問家事
 不聞者莫不咨嗟涕洟感歎上之命使臨門遠
 不及見也所著有稽愆集平交紀畧總督奏議若干
 有藏于家公先生弘治戊午距卒嘉靖壬子享年五十
 早卒次思佐甫八齡廢國子生女二許聘都御史鄒
 守愚之子迪參議劉子興之子宇泰公既卒家人請
 乞卹典子迪詔所司論祭營葬如例卜以甲寅年十
 二月十二日葬公于三河山之原公所自營者銘曰

海山奧區鮑江之涔炳靈萃英生此國士材閣器碩
允武文服勤中外以建茂勳督帥于南南土底定
專闢朔方恒以謀勝廼膺宸眷督兵本司國有柱
石士有蔡著謔忌屢嬰忠誠彌勵進不辭難退則勇
逝帝曰念哉起公于家云胡詰人而享不遐千里
未酌或在天壤與元氣游或驅風霆揮斥八極以
強胡以殿王室勒文樹石未昭德馨我詞弗作以
告于真○都御史談愷誅曰在昔帝王憲天績服必
有靖內懷外忠貞之臣于以保圍殿邦為時屏翰故
鴈揚尚父六韜垂法文武吉甫萬邦為憲君臣際會古
有明徵若今東涯翁公殆其人焉惟公淵識弘猷會才
文燕武掄材鄉國夙北弘濟之祥筮仕戶曹懋著才
獸之譽賑饑京輔澤比青州擢守蒼梧風傳渤海替
元戎于南服交夷組頸而來降畧城鎮於比門虜寇
啄息而遠遁簡授本兵益弘遠畧城鎮於比門虜寇
之材也顧東山雅况蒼生之屬望方殷而洛社荒盟
樞紳之典刑遽喪謚號未崇于彝典補述允昭乎輿
情愷素辱年愛倍切傷悼爰用表誅庶備大史之採
擇云惟帝臨民篤生俊良昌期遭會城川東占

全材惟獨偏長文事武備為龍為光惟公之先世
潛德芳條遠陰靈根茂植公秉間氣清休載式學
經傳行脩正直宏材遂識固天所隆神機遠暢淵思
粵邦澤宮首表弘濟貞乎爰告其兆大廷茂對奎壁
騰耀賈論董策文譽寔紹筮仕計曹正已清脩鈞稽
精密費用不浮法繩戒曉抑其侵侮先憂義存急病
嘉猷畿輔阻饑賑濟上命志切先憂義存急病
啓庶族弗填干穽繫公之仁維民之慶擢守梧郡治
雜民夷督府臨制控御戎幾緩柔經畧動履厥宜威
申疆禦惠洽博安南弗率莫肆酋害皇赫斯怒
天討斯戒陟憲于臬齊師攸賴簡師扼要罔不震駭
龍憑梟雄朋兇翼頑同惡相濟腹背為苗桀黠彌張
斧鎖威殫聲色不勤反側以安藤峽有苗桀黠彌張
鼎衆破堡金議靡常公設奇計義鼓戎行殲彼鯨鯢
復我冠裳內寇既剪肘腋無虞張皇六師誓志長驅
公曰計之匪棘匪徐勝筭在我焉用多俘考績論功
陟叅蒞藩會疏留用改司粵垣得韓興誣借寇騰論
區畫萬全足食分屯威靈遠播情偽畢親乃善我師
乃整我旅伸干山立旌旗電舉登庸大恐納欵遠至

廣東通志卷一

真也

五

悉率其類繫頸以組淫名自削歸峒獻土徒跣先哀
祈請降附帝以得柔凱奏師旋總憲巴蜀長轄秦藩
之綱之紀惟屏惟翰建節撫奠釐劃兇殘宣大重關
幾輔鎖鑰簡服大僚公膺其托霧集雲屯風生劍鏑
我武惟揚迨乘踴躍爰方啓行既集禎榦亦具版築
安遠肅息此疑狐忘彼駭鹿既集禎榦亦具版築
以死之疾而速蠹茲北虜屢肆憑凌言獲其醜來
獻于京編却投戈曰逐亡精黍稷被野烽煙不驚帝
嘉乃績召典兵戎不剛不柔穆如清風轉規投水振
帝命視事曰心已亂苦塊而南廬于墓畔四郊多壘
起復于征不違朝夕萬里兼程經畧已定泣辭階廷
為國著察為邦典刑東山之望月旦之評皇天弗弔
景命其傾 璽書再至總帳已褊或哭乎巷或奠于
慍用旌悠悠白楊悲鳴嗚乎哀哉伯仲伊呂寔惟孔
明彼志未遂公乃有成出入將相寔惟晉公公方駕
之而未克終崇勲無銘鼎彝彝彝大常令名孰昭石室王
堂誄行昭謚惟 占之道 昭代偉人鑒之 蒼昊隆典
未揚是 傷悼 告脩撰林大欽墓 陽縣

肇慶府

南朝陳高祖霸先陵 按舊志云在高要縣荷逕山有
里思辦都宋元時常有竊發之者視其穴惟石砌存
焉山口有碑坐石龜其大盈丈非數百人不能移即
今基址 隋都督陳府君墓 在瀧水縣 馮將軍墓 在陽
尚存 東山之陽按寰宇記電白縣界有馮家村 莫宣卿墓
乃盜家于此得名有碑云馮府君之墓 宋太傅張
在開建 宋運使李焮載墓 在德慶州西五 鄉 宋太傅張
大幕村 世傑疑墓 在陽江縣壽光祿寺丞梁頤墓 在高要縣
余靖墓表梁與秦趙同祖絕於秦續於晉顯於漢故
為京兆萬年人祖諱曼佐幕番禺屬劉氏據有南海
耻非王命不從所署遁於東莞世歸其高焉二子長
曰光運署在職捕賊遇害少日光遠即君之文考亦
佐戎政皆劉氏官也君諱頤字微之幼秉奇節強學
篤行信義稱於朋友詞章秀於鄉邦國家削平僭偽

統一函夏君即占籍高要以從卿賦舊制嶺南按察者皆專選補州縣吏員闕即擇前資及士之豪俊而署之試守三歲克有成效則薦於吏部而授真秩君以故事召署滿三暮調于天官得象之武仙簿貴之鬱林尉封之司戶參軍悉以能官有聲年及懸車抗止足之分移疾請老朝廷美之遷光祿寺丞致仕以景祐元年六月考終命于封水享年七十三夫人陳氏先府君二歲卒其孤揆繼歲街恤遂蓬首垢面挈畚負土由祖妣而下封大塋而突之凡六墳異藏同域以景祐二年十二月辛酉掩壙于端州高要縣歸仁鄉湖州原乃築廬居冢旁朝夕哭泣刺手取血寫佛書以祈冥報廬外植蔬樹粟以給饘粥不茹葷血凡六歲乃除喪州間者舊緇素以其狀白長吏表聞天子嘉之詔郡縣以時存撫賜之粟帛以旌其孝專選補者以揆至行奪而官之窘於窮而從焉慶曆五年十月患舊域旱濕仍責土全塋徙瘞宗崇原加封樹焉從高顯也既而乞銘以表之銘曰哀無時本朝而忘服有特而終去廬立表以寄哀於無窮

靖江右相李質墓

宋濂撰墓碑公諱質字文彬號樵雲姓李氏其先開封祥符人在宋

季有仕于德慶者因家焉公生穎悟有大志蚤知者學經史子集無不讀讀輒記憶既長遭元季多故時落落不合遂家居不出日與弟文昭放情山水以詩酒自娛居無何中原擾攘嶺海多事公起措義兵捍鄉里及德慶路陷甲兵扼險要以遏他寇由是一路之日夜浚城隍繕甲兵扼險要以遏他寇由是一路之敵毋妄殺或執敵邑者多刻剝殘忍公嘗戒麾下非遇敵毋妄殺或執敵邑者多刻剝殘忍公嘗戒麾下非競急於賊施三族與鄉里流寓之貧者咸有所仰以故一時名士如建安張智茶陵劉三吾江右伯顏子史羊城孫仲衍王彥舉皆聞風來歸及大明皇帝定鼎金陵遣師南討洪武戊申四月平章廖公末忠叅政朱公亮祖總師至公遂散麾下全城歸附總兵遣使入奏上嘉公忠誠召至慰勞再三賚予復渥就擢中書斷事越明年已酉轉都督府斷事階奉訓大夫皆能執法丞相都督咸敬憚之五年壬子授刑部侍郎階中順大夫尋陞本部尚書階嘉議大夫尤慎於刑獄盡哀矜之情致淑問之頌寬猛適中為上所知日益親幸時開行省於制江上念厥地素重彌稱難治宜簡廷臣有德望才器者往綏之即拜

重彌稱難治宜簡廷臣有德望才器者往綏之即拜

重也矣

三十一

公制江行省參知政事階中奉大夫是年秋九月也
 下車首以承流宣化為已任振紀綱正風俗勸農桑
 興學校舉遺賢卹民隱知無不為無不力居三年
 惠流兩制厥績以懋聲聞于上天子念公老召還
 致政于京師嘗入見賜坐便殿訪以時政得失直言
 無隱上益重之八年乙卯冬十月復起為靖江府
 右相階資政大夫有勅獎諭甚至公益思竭誠以盡
 輔導之職嘗入覲因奏乞歸省先隴上可其請王親
 揮翰賦詩以賜復命藩憲元僚與府中官屬宴餞濟
 江之滸人莫不以為榮後王坐事去國公隨終焉公
 美風儀性孝友治家有法接人以誠雖極顯融情素
 冲淡暮年尤工於詩有樵雲集若干卷生於元延祐
 丙辰三月十一日卒於洪武庚申閏五月某日初權
 厝金陵聚寶山後某年月日歸葬鄉之清秀里布山
 之原祖廣孫累贈嘉議大夫禮部尚書父熙春累贈
 中奉大夫浙江行中書省參知政事祖妣孔氏贈淑
 人妣林氏贈夫人公凡三娶先梁氏次石氏俱贈夫
 人汪氏封夫人弟文昭學識優長隱德弗耀千四人
 曰恒曰震曰復曰頤皆知學好禮惟震有詩名孫男
 曰公謹曰公俞公獻公政女三人梁仕貞梁明理嚴

公敏其婿也孫女二人次第公之行賢來遠
 震也於賦自元綱解紐海寓兵爭乘時奮者莫不
 下自封樹威肆毒少知推一毫為利人事公能仁
 族屬以及於衆視彼之暴豈直相萬哉及一時與公
 全城來歸者鮮克有終惟公踐歷中外官至卿相忠
 義著朝廷聲名滿天下勲垂竹帛德在人心五福備
 膺子孫蕃衍非先世積善之深公有心之厚何以臻
 於是耶銘曰嶷嶷李公世為粵人積善既久鬱而未
 伸族大而蕃實自公始值元鼎沸保障鄉里公之庇
 民如室斯宇公之好賢誠出肺腑聖明御曆威讐
 四夷公散其徒全城來歸帝嘉厥誠錫以祿秩尋
 陞秋官克殫忠赤後參大政于制之中威德交孚聲
 聞上聰致仕于朝出于寵渥時有敷陳多所裨益
 逮居相國有謬其言直雖不容此志則完之身云亡
 之德弗替慶流緜緜式延後裔清秀李伯震墓在德
 之里布山之阡勒銘貞石垂美萬年李伯震墓銘
 大朗刑部侍郎陳鼎墓翰林侍講學士王英墓誌銘
 酉刑部右侍郎陳公以疾卒于位上為諭葬之悼
 惜賜祭命有司營葬公同鄉之士監察御史王子倫

請於予曰陳公官三品有學行政事墓宜立碑銘敬
以狀屬執事予辭不獲西按序而銘之公諱開字重
器居廣東肇慶府新興縣世為名於會和德輝力本
務學祖可文父以平俱有隱德以公貴俱贈奉議大
夫都察院右副都御史祖妣蘇氏柯氏淑人公性端
敏蚤失怙恃篤志于學十二三通四書大義鄉先輩
奇之及冠為學益勤博問強記知名郡中補邑庠弟
子員尋領鄉舉登末樂乙未進士授浙江道監察御
史改廣西道立朝正色持法無私彈劾不避權勢校
巡外郡鉅則貪暴撫循罷弱平及寃獄所至人皆畏
欽 宣宗皇帝在御以郡守之任民之休戚所係命
公卿大臣舉朝臣庶正者任之而公居其首拜江西
建昌知府 賜璽書獎勵俾馳傳而往公至郡宣
上德意又詢察民隱革其宿弊政治一新獨護衛官
挾恃威強橫暴如虎狼公揭榜禁戒之下後已而有
群行市井掠傷人者公悉擒捕正之以法於是強橫
者斂跡民大慰悅用薦名還京拜右副都御史守正
不阿風裁益振承 命補蝗河間諸郡後民有節而
加以撫綏勞來人不知勞蝗不為災改刑部侍郎明
直 罰微無寃滯僚屬咸敬讓之公外柔內剛

甚簡而臨事有果 則喜薦賢士以廉自持服食儉約
初作新建 治 地得金銀器玩器悉進于朝其從
父以貞自廣東來 之入一解舍視其四壁蕭然喜
嘆曰吾家本儒素 以能淡薄如此可無愧矣事親孝
友朋友信義馭下有恩威而不事苛刻煩瑣既得疾
上命國醫治療卒 年四十八葬延壽都之索水山
娶鄒氏加封至叔 八嗚呼公以進士累陞至列卿之
亞而聲望卓然倚 任方隆惜其年未及中壽而止然
士之學而仕而至 顯有治行可書以垂無窮雖死
無憾其公之謂與 刻碑于墓念以為宜銘曰陳君新
興有蕃其嗣公紹 顯家精經讀史既登魏科持斧衣
繡暨守大邦金章 紫綬用陟臺端爰副秋卿九公所
至焯焯有聲維明 維克弘大其惠維維正政務以
理卓哉賢臣名矣 君子胡不求年而止於此靈車逢
遙返于故鄉山高 水環末固其藏伐石
刻銘以祀公德嗚 呼後人過者必式
司右參議葉禎墓 立 瘞墓碑畧天順六年冬十一
公以廣西慶遠府 同知葉禎死事事聞 諸朝請加
褒卹之典 上俞其請錫以 誥命贈禎朝 列大夫

廣西布政使 葉禎墓誌 卷之六 五十一

廣西布政司右參議 命既下兩藩吏民及天下之
 人聞者咸咨嗟感發以為 聖天子之褒嘉忠義都
 憲公之扶翼善類所以風勵有位非特為一葉氏也
 嗚呼至哉又明年東廣大參劉公僉憲張公來
 觀闕廷致都憲公之命於子俾書葉君之事於墓道
 之碑子與君同出嶺表交好有素墓道之文雖無命
 之者尚當為之執筆况重以都憲公之命哉君世家
 東廣之高要所居鄉壤接廣右尚徭時時竊發為鄉
 人害君已不平之迨官潯州又當群蠻出入往來之
 衝熟知其地勢險易夷情向背之詳每登高望遠慨
 然有一舉掃平之志及來官見賊勢甚盛民生日蹙
 守將因循怯懦往往撫綏不發而牧民之官又以責
 不在已不復勸念慮民罹其毒已極思欲奮擊之莫
 為倡率所轄州邑民餘無幾嘆曰宜民盡矣及今不
 為後無可為之時也每與僚吏言之激烈立誓不
 與賊俱生聞者感動既條郡中合行事宜建白於都
 憲公復與父老之自智慮者圖所以禦寇之防甚悉
 曾括民之丁壯什伍其人置長分領之民爭赴集無
 隱匿者君躬鞍馬暇弓矢日懸令訓練之諭以保衛
 鄉井之意莫不踴躍奮發思欲一戰尚酋韋父強者

積年據賊也數敗官軍時或眺梁城下無敢誰何之
 者君以計生擒之兼還所虜子女畜產之類自是賊
 雖稍戢而其徒徃於常勝益奮耻互相糾結思必耳
 心於君而後已未幾賊大圍旗山民告急守將恬然
 若罔聞知君亟率民壯趨赴之賊望軍容整甚非往
 昔比不戰自潰子女在虜而得生者餘千人君既旋
 兵賊偵知無繼援潛躡其後君逐旆與戰所殺畧相
 當是日君之子公榮死焉君知賊不得意去必爾來
 嚴為之備會所屬東蘭那地二州土官遣土兵持牛
 酒土物來謁君一不受論之曰若等能為我出力勦
 絕蠻寇就以此為犒賞之資土兵亦忻然聽命越兩
 日賊合眾攻雞刺等村報至君躬請于哨守都指揮
 黃誠等曰民危矣我輩為民父母不一援之忍乎時
 此常事耳君胡用操心為哉激變之罪君獨當之某
 輩不與知也君鑄諭再四繼之以泣二人若畧不之
 省君怒拂衣上馬去乃號召民壯及二州之土民會
 西府廟前出所作誓書諭之大率以忠義相激發眾
 義其言咸感奮愿効死力遂分兵東西二路行行至
 中途柳青鋪前賊遽突出人頭山下橫衝我兵君麾

與戰連數合我無救援賊眾益至賊物色得君所
無從子官慶民壯疎用和等三百人皆死之歲已卯
二月二十八日也是役也忌君者恐其成功潛遣人
世機於賊故至於敗嶺南素無雪是日雷雨大作平
也雪深尺許賊大驚異遺下所虜人畜棄園去郡人
聞君死老稚號呼循山谷通求遺骸又明日乃得其
首他處相與裹絛數日始斂神色不變寓觀城下手
香燈為文祭哭者相屬不絕忘者雖快君死中懷疑
懼反以激變誣君帥府入其言民不勝憤相率叫號
走千里外懇于都憲公事竟得白於是自總戎以下
咸遣人祭賻乃檄沿江兵護其喪東歸以某年某月
日葬其鄉大郎山之原至是 褒贈命下巡按廣西
監察御史命宜人置屋祠之而東廣藩臬諸公亦皆
詩以悼之云君諱楨子應吉別號確齋初補郡庠第
子員以毛氏詩頌宣德乙卯廣東鄉薦連試禮部得
授官輒辭不就卒業太學者久之解褐得潯州府同
知丁母彭氏憂起復改鳳翔府專職撫民所至取古
良牧守之政宜於今者行之其始也人皆自以迂僻
及其父也莫不翕然大服以化君性勁特外若簡曠

而中實確然有守遇事會發敢為心志所嚮利害禍
福皆所不顧與人言竭盡底裏不復回護遺忘問人
之急惟恐不及妻子不免饑寒不郵也赴官宜時道
遇郡人為大學生者以之絕告探囊無所得遂質同
舟者白金十兩與之其好義多此類自勿至長耽嗜
文籍雅好吟咏所作五七言詩多可觀曾祖某祖某
父隱翁三世皆不仕配謝氏有賢行子二長即公榮
次汝華今為郡庠生嗚呼君死時春秋僅四十九耳
官止一郡佐凡歷三郡未滿一考使其久於其位而
所居之位有大於此者其設施必大有可觀惜乎不
然也雖然假令君居大位總重權享高爵方且與若
姪柯隨時上下生無補於時死無聞於後又曷若一
死之為榮哉噫志莫大於殄寇義莫重 晉蒲媪墓在
於捐生若君者亦可謂烈丈夫者矣 媪誤作温氏晉康志
慶州媪姓蒲諱在山川郡志因媪誤作温氏晉康志
昔有温氏媪者端溪人於水濱得一卵大如斗持歸
置器中經數日忽有一物如守宮穿卵而出長尺餘
能入水捕魚媪一日治魚誤斷其尾遂去數年乃還
知其為龍也媪死瘞于江陰龍子墜墳隋潘夫人墓在
晉為大波至墓側察浪轉沙以成墳

慶州東七十里三州岩之東隋時烈女也開皇十年
嶺南行軍總管王績南征夫人躬至軍所負米七十
斛馬五十疋艾四十具十六年勅授此劉王女墓在陽
黎陽都夫人唐貞觀四年終葬于此其墓上生那悉名花因
治東王女名素馨死葬於此其墓上生那悉名花因
名素馨○宋傅成伯詩昔日雲環鎖翠屏只今烟塚
伴荒城香氣斷續無人
問空有幽花獨擅名

高州府

隋護國夫人冼氏墓在電白越國公馮盎墓在舊良

南一十五里有碑唐刺史馮士翊墓在吳川縣西山翰

書馮府君之墓林學士范祖禹墓在仙州南一甲許求樂十三年參

次進扁其額曰宋翰林范公祠曰記曰予在徽垣時
嘗與同寅右參政鄭公論及唐小遷謫嶺南諸公事
業是非斷在史策固已昭然其間有被評狂而終突
荒者恒歎悼之後乃公蜀北州停車訪宋范祖禹先

生墓處與州守及學掾諸人罔有知者邵之者皆民
廷輔聞因自言其少時嘗從先師登高山之巔指山
之北丘巔巍然者謂廷輔曰此范學士墓時廷輔嘗
記憶之迨今不忘遂引至其處荒荆野竹交蔽蒙密
因而安除果見崇封如故衆咸歎然遂掘其墓之東
偏可建祠堂與知州田庸學掾蘇善訓導蔣崇文李
縉相與謀度各出已資易村傭上構室三楹扁曰宋
翰林學士范公之祠中設先生神位以春秋祀之外
立牌門一所扁曰范翰林之墓年久盡廢嘉靖二十
八年知府歐陽烈措處命知州傅昂修理以磚牆中
為亭扁曰王光亭前為門題本朝庚吉士李冠祿墓
曰宋翰林學士范公之墓在茂名縣南八
在茂名縣東南官坑參議梁週墓在茂名縣南八
在石城御史黃子平墓在電白縣都給事中李學曾墓在
赤嶺知府嚴霜墓在電白縣進士崔浩墓在茂名縣
名縣御史黃文墓在石城進上蕭惟昌墓在吳川縣林廷玉母徐

御史黃文墓在石城進上蕭惟昌墓在吳川縣林廷玉母徐

氏墓在縣

廉州府

唐諫議大夫寧原悌墓在欽州城東北三十里其山大遂以墓名宋秦諫

大夫鄧大周墓在靈山縣城東五十里東山嶺本朝參政韓珠墓在

石康縣界國子監丞梁里許墓在欽州墓志銘御史

沈福墓在永安海岸知府楊冠墓在欽州城西孝子

施敦墓在永安城東

雷州府

宋蕭筦帥墓在遂溪縣南本朝知府馮彬墓在海康

瓊州府

唐馮公墓在愛山縣宣德間村人耕陶公山下掘

石碣刻云大唐賜紫金魚袋馮公之墓翰林學士李

吉甫撰文餘字湮沒里為中有器物相訂昇碣

至府或者以為高涼守譙國公馬實之墓今按實之

妻即譙國夫人先氏也朱子通鑑綱目於陳末定三

年書馮寶卒隋史譙國夫人傳書夫人沒於隋仁壽

初墓在今電白縣寶墓固應在彼况寶之孫智戴曾

侍唐太宗宴於未央宮帝令智戴誦詩突厥起舞帝

曰胡越一家自古未有事在貞觀七年李吉甫為學

士時乃在憲宗元和初智戴夫占甫固已一百七十

餘年而寶死又遠决非寶墓大抵馮先國于此土隋

唐間得開府置官屬子孫世為南越君長隋又以臨

振郡為縣賜先氏湯沐邑食邑千五百戶贈其孫僕

為崖州總管平原郡公唐崖州在今瓊山尚書吳賢

秀墓在瓊山縣東北三

宋趙忠簡公昂墓在昌化縣

紀序嘗觀胡澹庵哭趙忠簡公詩聯中有一堆孤塚

寄瓊島千古高名屹泰山之句因向中字誤每存疑

似然未知的塚所在也弘治壬戌予避亂適瓊士王國昌朝隆宅夜話及此據國昌稱先年寄學昌化縣庠往候提學憲立臨考夜宿昌化地名趙村人家屋後有老叟焚香念佛經聞吾讀書聲出問所從老叟不覺於悒下淚詢其所以吾曰吾河東解州聞喜縣人宋宰相趙鼎孫也我祖因國事為秦檜所惡貶崖州身死不得歸葬子孫流落在此聞諸君子書聲追思我祖不覺下淚耳因指屋傍山曰此山我祖墓其上俗人以為交址王墓其也衆聽莫不惻然已乃辭各就寢黎明趨程不及觀其墓焉據說思惟南度時未已夫中原河東皆為金人所有忠簡之喪不得歸葬老叟之言不誣顧吾老矣國昌亦因話出所見聞以詩曰 漣淵脚傲杳難呼南渡乾坤兩手扶窳逐不妨青史路塚迷雙鳥未為孤○按史鼎本傳遺命乞歸葬明年得吉汪應辰傳鼎喪過郡為文祭之有曰事已定乎蓋棺恩特容歸骨備志載常山石門趙鼎墓翁仲石獸見存而祠鄉之論又如此古之名賢墓指數處多矣承議郎符確墓 在昌化縣南元故列之以論來者

王子墓

在萬州東北八里東山嶺下元散敗王之子在萬州中以高昌正事累謫萬州安置今有塚

尚本朝趙考古墓

在暖山縣舊學之東北門○唐曹重脩記姚江趙考古墓

未司教吾邑一旦語諸門人曰太虛不能不聚而為人物人物不能不散而為太聖吾不久當歸吾元尋果卒弟子不忍去其柩爭負土留葬哀泣若已父焉余少知慕先生之道而恨郡乘之失紀其藏及讀裔孫宏翰上丘深庵書曰墓荒榛棘而識者日寡未嘗不拒腕以嘆也正德庚辰冬賀少參汪僉憲二公來按郡皆篤慕先生者余偶與談及而共咨嗟之未幾即得其藏於舊學之東北隅指似於黎的於墓蓋隱隱於叢冢側餘於犁鋤無幾矣乃基石崇封而碑題之補前地之侵墜者甃以甃石隨道券臺斬然以秩時日擊者感當日負土之心咸戚戚然曰藏幾百三蓋如不又口所謂太聖聚而為人不徒恃乎形先生蓋自有不隨死而愈顯者斯藏之不聞未為泯也余皆不然之先生少慕於亭之學肇博於六書而會之於六經百氏又約之於造化經綸一圖羽翼聖道當

特高皇帝與臣宋濂解縉皆知重之及謫教吾邑
 首啓王惠吳文祥諸賢之傳愈衍愈盛各以所得皆
 足名世故評郡之風教謂文化洽於唐宣宗禮樂盛
 於宋中葉而文風則丕變於先生其有功於吾土也
 大矣功之大則思之宜深然世遠跡滅而漫焉者勢
 也故古人論保思之道曰讀其書留其像甚至知其
 鄉里與形之長短大小美惡及平生之所嗜好以想
 見其爲人而使存之於心况茲骨肉所繫之土豈不
 猶切近而易感乎故茲載顯於墓道之誠豈其數又
 因起人思慕以向道則其自有顯者寧不藉此而益
 顯乎其於世教之關係何如也余觀前代於先賢之
 墓建虞白社思賢之碑築宋能仁限牧之墻嘆豪傑
 之扶世教每作人於風聲意氣之外古今大畧相同
 未嘗不閱簿書俗吏之碌碌也通判俞侯謂古則之
 賢固不讓於古而二公闢斯藏於氓功視古尤倍余
 不可無言而使之民也余蓋有感於豪傑而愈作思
 者烏辭御史唐荆墓在雙山縣西二里五原都五龍池原
 收辭御史唐荆墓在雙山縣西二里五原都五龍池原
 在公濬濬在雙山縣西二里五原都五龍池原

弘治八年春少保兼太子太保戶部尚書武英殿大
 學士丘公以疾卧家連章乞致仕優詔不允遣醫
 賜藥中官問疾賜食物是歲二月戊午薨于城東之
 私家計開天子嗟悼憫視朝一日賜寶鈔一萬貫
 贈特進左柱國諡文莊命禮部尚書倪岳左侍郎徐
 瓊論祭葬及官其孫晉尚寶司丞仍命行人宋愷護其
 官送賻及丙辰年十二月乙酉日葬于五龍池之原
 喪歸將以致仕家居晉遺使以公門生翰林院編修蔣
 時喬新致仕家居晉遺使以公門生翰林院編修蔣
 景所述行狀求文堂之銘且致其祖母夫人之言曰
 公治命也幸毋辭予憶在朝時公暇輒與公相過從
 論古今事得失公堂語予曰予與子相知不啻君實
 景仁不幸死則後死者銘之予曰與子相知不啻君實
 耳川去四五年公猶不忘前言乃知非戲也嗚呼方
 今作者如林予何人敢銘公墓然欲固辭又負公久
 要之言乃叙而銘之公諱濬字仲深其先世家泉之
 晉江元季有官于瓊者遭亂不能歸遂占籍瓊山曾
 祖諱均祿隱居不仕祖諱普臨高醫學訓科考諱傳
 賢而早卒及公貴曾祖考皆贈一品夫人公舉進士改翰
 氏祖妣柯氏妣李氏皆贈一品夫人公舉進士改翰

林庶吉士與脩寰宇通志書成擢翰林院編修
宗皇帝即位初開經筵以公文講官有白金文綺之
賜成化元年以九載秩滿陞侍講修英宗皇帝實
錄成陞侍講學士丁母夫人憂解官歸闕詣京復
舊職奉命修宋元通鑑綱目成陞翰林院學士十
三年陞國子監祭酒十六年進禮部右侍郎仍掌監
事二十三年冬陞禮部尚書掌詹事府事脩憲宗
皇帝實錄公充副總裁弘治四年八月實錄成加
太子太保職如故是歲十月命兼文淵閣大學士
入內閣司制誥與機務公三上章辭上允
之乃就職七年陞少保改戶部尚書武英殿大學士
仍兼太子太保自始仕至今四十有二年矣公少孤
力學六歲能詩弱冠著論謂許文正公仕元無能改
於其俗又不得信已之道不仕可也者儒碩師見其
論初甚駭之已而又大服以為先儒未有言及此者
正統甲子舉於鄉為廣東鄉試第一名兩試禮部名
在乙榜當授教職辭卒業太學祭酒蕭先生鏞深器
重之為之延譽遂是名益重景泰甲戌復試于禮部
名在前列廷試為第二甲第一名及選為庶吉士
讀書必閣自六經諸史九流箋疏之書古今詞人之

詩文下至醫卜老釋之說靡不究發之文章雄渾
壯麗四方求者香至碑碣銘志序記詞賦之作流布
遠邇邇然非其人難以厚幣請之不與脩英廟實錄
或謂少保于謙之死當著其不軌之迹公曰已巳之
變微于公天下不知何如武臣挾私怨誣其不軌是
豈可信哉衆以為然功過皆從實書之兩廣州兵公
上書李文達公具陳平寇方略文達繳上之詔以
策付總帥其後削平用公策為多時經生文士為文
以奇恠相高或不可句公考南京鄉試及禮部會試
惟詞險語必痛斥之然誹不恤也及為祭酒凡尤諄
諄為學者言之文體乃復渾厚士有慕道學者或過
為險異之行以徵名因考會試發策言之士乃知道
以中庸為至詭異不足貴也其在太學論者謂師道
尊嚴無愧李文忠公綜理微密則文忠不及嘗謂朱
氏家禮最得崇本敦實之意然儀節畧節為考諸儒
所言作家禮儀飾使好禮者可舉而行朱子微言散
見於傳註語錄學者卒未易求乃采其精切者彙為
二十篇做魯論語作朱子學綱目以正統為
王然秦隋之末有不可遽奪漢唐之初有不可遽予
者乃作世史正綱著世變之升降明正統之偏全又

謂西山真氏大學衍義有資治道而於治國平天下
之專缺焉乃米經傳子史有及於治國平天下附以
已見作大學衍義補今天子嗣位之初公書適成
乃表上之覽之甚喜凡答有曰即覽纂書考據
精詳論述該博有裨致治朕其嘉之賜白金二十
兩紵絲二表裏陞公尚書且命錄其副書坊刊行
憲廟寶錄成錫白金八十兩羅段八表裏仍遷宮保
踰月遂有入閣之命蓋簡在位務以寬大啓
忠愛變士習凡人才進退政事廢舉一惟
典是循首上二十二事陳時政之弊又請訪求遺書
上皆嘉納洪武永樂以來此百司朝覲命吏部
都察院考其尤不職者乃黜之不過數十人其後吏
部患人言務以多黜為公方岳以下少有微瑕輒黜
之黜者亦不敢訶公深知其弊言于上曰唐虞二
載考績三考黜陟今有官未半歲而黜者所黜徒信
人言未必皆實此非唐虞三代之法亦非祖宗舊
例也上深然之會吏部上大小庶官當黜者幾二
千人乃救凡歷官未及三載者俱復其任雖一考
未有貪暴實跡者亦勿黜蓋用公之言也醫官有療

疾往來公家者以失職怨家宰王公奏許其短
奏出公科道以為言上察共誣待公益厚公性剛
直與大臣論議所未安必反復辯論言官論事必以
是非詰之不肯媿媚取悅公無歲不求歸前後凡十
三疏上皆不允問勞賜資之使踵接于門文臣承
恩眷未有如公者先娶金氏繼娶吳氏贈封皆一
品夫人子男四長曰敦吳夫人出以陰補國子生博
學工文章先公五年卒次崑次崙皆殤亡季曰京側
室唐氏出女二適馮顯岑英孫男二長當次甸平學
著述甚多有瓊臺吟藁瓊臺類藁家禮儀節朱子學
的世史正綱大學衍義補行于世又作莊子直解未
成公博極群書九舉僻事問之則曰出某書某篇退
取書閱之良是尤熟本朝典故樂為學者道之纒
纒如目前事公今已矣世豈復得斯人哉嶺南人物
自張文獻公有聲于唐余襄公崔清獻公有聲于宋
迨公四人焉公晚登政府疾病半之故見於功業者
僅若此大學衍義一書其經濟之才可見矣使得久
其位盡行其言相業豈三君子可及哉銘曰嶺南
之降靈氣充塞挺生偉人翊我皇極其人伊何曰
惟文莊醇懿內實英華外彰乃官詞林乃登廷閣乃

侍經筵乃典國學窮碑厚碣輝映四方細篇青簡百
 世有光 皇帝咨汝其代予言服休迂衡時惟汝賢
 公拜稽首臣老勿克寵命存臨公乃就職公之在位
 調濡均平百吏奉法百度惟貞文為國尊位登保傳
 天之生公奪之何遽立言則多蓄未盡施方策所存
 百世之師石麟峩峩南海之隩文莊之墳過者必肅
 王桐鄉佐墓 在縣東十里博文都瓦窰山○桐鄉門
 酒行一十八年重覓我化為鳥有一先生○一十八
 年風景殊鴻濛汗漫是吾墟吾墟迥與人問異查
 人間不 都御史邢宥墓 在文昌縣東十五里銅斗山
 是吾 會都御史邢公以成化十七年五月甲午卒于家有
 司以聞 皇上命禮部備牲儀翰林撰文遣官諭祭
 之其子頊以予與公交莫逆求予文志其墓先是公
 無恙時以書畀鄉人林敬抵予豫以銘文為託得書
 未幾而公遽捐館舍公長予五歲予幸後死安敢負
 公託耶乃披淚序而銘之序曰公諱宥字克寬其先
 由汴徙瓊之文昌世祖音煥仕元為縣尹曾祖
 某祖世賢父文廣母文林郎監察御史母許氏高安

知縣虞祚之女贈孺人公以求樂丙申生自幼聰敏
 稍長補邑庠弟子員甚有時名特臨汀會先生蘭分
 教邑中於諸生獨加器重同里溪西村氏為邑中官
 族異其不允以女妻焉歲辛酉領鄉薦戊辰登二甲
 進士第觀政刑部已擢四川道監察御史明年改
 元景泰大監王振敗籍其家有告其家人孫太安匿
 其財者公與錦衣衛官干信者鞫之無實于必欲沒
 入之且曰不然禍立至公曰無其情而文致於法是
 我殺之也竟辯白被誣者二十人又明年邊事方興
 儲峙不給是年適當百司朝覲建議者請免來朝官
 被劾之罪俾運通州見儲糧四十萬石實宣 命公
 督運公措置有方不盈月邊儲悉足是冬出巡福建
 先是巡按御史許仕達與鎮守尚書薛希純交惡事
 聞因命公代仕達且覈其事公至一斷以公無所回
 互時沙寇甫平或言延平衛軍多其親黨欲以鎮東
 衛互易之章下會議薛尚書力主之公獨曰山海異
 習輕動或生他患疾得不動巡海官獲犯禁入海者
 十數人請于 朝以梟首示衆而寬號之聲振地公
 獨疑其非真盜請緩之未幾果得真為盜者亂後增
 築永安等四城民力有不堪者公奏留八郡之匠赴

役工部者協助之城得以亟成甲戌出按遼東時都
御史寇深巡撫其地副將焦禮有克敵功寇上其功
狀乃先於主將曹義事下覆之寇惟曹私囑公不從
遂與成隙戊寅巡按河南奏革舊驛由黃河出穎
上以達南京者數十所民便之得代還京時寇入總
內臺憾公在遼東時事多方擡撫之無所得及公秩
滿需選銓曹適知縣甄鐸有故勘人命獄有言忠國
公石亨納其賂從之者命下勘之眾畏勢無敢往者
寇以公奏名委覈其實蓋欲假是以中傷公也公審
覈允當詎莫能害之與辰陞知台州府台倍健訟公
治之一惟緣情據理民自信服居台四年兩以巡按
時事就建台民爭持金帛出數百里外驢之公一無
所受又有耆民數十人赴京告留然公竟坐是降職
為晉江縣知縣任未三月會赦復職政知蘇州蘇之
田賦甲天下丁役雜辦視他郡蓋倍徙焉而俗尚澆
浮公治之一本情理不出苛不立苛惟省徑均賦節
浮費以便民為主不期月政化孚洽歌頌之聲播聞
遠近公性不樂華靡且厭浙西俗尚過侈凡百有為
務從素簡神祠惟涓潔其任祀典者辭宇惟簡其
切於用者成化丙戌江南大水而蘇尤甚公發官儲

及勸富民得米八十餘萬石賑之然猶不繼飢民百
十持券入富室借之不與則強奪公即帖示俾飢民
指其閉糶者名赴官官為之借明日爭持狀赴府官
為署券付鄉老同保借又得米八萬石又不繼乃
會計軍餉一年之外餘二十萬石發以賑之同官有
以事未上問難者公曰民命在頃臬奏允而後給
則無及矣專擯之罪吾自當之是歲稔活饑民殆四
十萬口事聞如陞浙江左參政仍掌郡事降勅褒
獎是年秋再陞左僉都御史巡撫江蘇總理事務
賦并理嘉湖杭三府糧儲提督屯種公受命後汲
於培植採探察客詢於官吏則獎廉能黜貪懦於
則壯奸宄折豪右浚孟漬舟徒二河增築奔牛一
以便運道又奏減歲課之重者凡十餘事戊子奉
勅飭理兩浙鹽法已丑又勅考察文武官員凡軍
利病悉聽從宜處置庚寅秋議事來京上章乞致
仕不允章再上始得請時年五十五也家居者十
有二年卒年六十六有六公配林氏封孀人子
三長頊林出次瑋次理少房劉氏出頊將以卒之
年八月委曲言論之際是非非不少假借世好讀
於人少委曲言論之際是非非不少假借世好讀

書於詩文雖少作然所尊有翁趣不為無益之語字
亦適美有法晚年家以讓之足跡未嘗至城市凡一
友愛諸弟其田產多暇日以杖藜徐行田圃間自樂而已
切外務畧不介意暇日杖藜徐行田圃間自樂而已
構草亭於所居之前環海一區孰知其自號曰道
云銘曰極天南隅環海一區孰知其自號曰道
邦司直察其不誦明憲之典而不傷乎物為民師
禮君之子心大之職而必遂其生出處以正進退以
焯有其光幸我後死為銘其藏是類太常寺卿夏昇墓
在瓊山縣西北五里博蒼山御賜祭一壇遣叅議
賀泰論祭于南京太常寺卿夏昇曰惟兩性質敦
篤操履清勤發跡賢科歷官即署擢司符璽繼轉留
都尋陟鴻臚以憂去位後懷恬靜懇乞歸休時晉清
悼傷爰頌節胡為一疾遽爾長終計音來聞良用
郎唐冑墓在瓊山縣東南五里甲陳實墓在瓊山縣
郎邵寶撰侍郎鍾芳墓在瓊山縣西十里蒼地山
墓誌銘

論祭致仕戶部侍郎鍾芳曰惟爾性資敦篤才識通
明發跡賢科掄官史職山補外郡有陟郎曹擢司臬
而學政事新舉參藩而軍功克著奉常兵侍效職留
都進佐司徒允用國計方隆委任懇乞休閑林壑優
游遽爾淪謝忽聞訃喪良用悼傷特頒卹恩以酌往
劉營墓有制賜祭有儀靈爽亦存尚其歆服○系酒
黃佐撰神道碑銘瓊有鉅儒曰筠谿鍾公諱芳字仲
實繫出魏侍中孫傳至唐中書侍郎鄒鍾公諱芳字仲
龍南又傳至宋龍圖學士佃安撫廣西討平黎寇著
績於瓊其裔孫淳傳德賢克偉至鎧乃徙萬州公高
祖也曾祖惠洪武中徙崖遂為崖州人祖京考明俱
贈戶部右侍郎祖武中徙崖遂為崖州人祖京考明俱
氏封太淑人祖常育於外親冒黃姓至公顯庸後始
奏復焉公自幼穎異十歲入州學十二喪母知哀慕
又十年喪父哀毀轉篤其真知力行蓋天性也弘治
辛酉領鄉薦第二正德戊辰試禮闈康脩撰海擬首
選不果乃實第七文名大震登進士二甲第三改翰
林庶吉士授編脩忤時左遷寧國府推官精於吏事
能折滯獄如朱氏婚媾趙氏發冢皆一訊即服他郡
咸求質成公應之率然無不愜當者會大水歲稔議

行賑恤民獲莫居政暇則啓迪來學部使者交薦其
賢王申陞漳州府同知癸酉供事場屋闕卷刻文為
監司所咨得人最多尋擢府事時兵燹欲征漳寇公
主相機撫劉督府卒從公議鎮守中官市絹需擾嚴
加禁覈擒漳浦豪猾徐姓者置諸法自是獄市靖矣
乃行鄉約于諸邑作詩以風勸相其父老詔其子弟
俾知教化向學逾年而民俗丕變甲戌陞南京戶部
員外郎士民攀轅播于歌頌既去任李巡按如圭猶
以異才薦之遂署南吏部稽勲郎中轉考功一時名
公如劉太宰春羅少宰欽順凡甄別優劣皆從公言
三載結最覃恩考姓遂實授尋祭掃南歸辛巳陞
浙江提學副使施教文必參名檢敦行力學者為上
穎悟淹貫言行知慎者次之挑按諸稿以傳屬大必
懲自是浙上斐然嚮風刻公存養諸稿以傳屬大必
力止績考且沮權貴子入試何巡按錢始憾終悟乃
特薦之癸未陞廣西右叅政軍車深入洛容諭降賊
帥羅朝墮等千餘人陷賊者來歸如市尋調兵扼險
攻柳州馬平之穿山峽賊皆喙息時貴縣多虎患
名遮道泣愬公為告山神鬼獲六虎餘悉遠遁
遂息會督府盛中丞應期召議軍事公留答悟

公鎮代至益重公勸六青諸峒招降賀縣恩柳等
寨皆公策也乙酉提調鄉試裁定錄文畢收名上厲
入觀有公策也乙酉提調鄉試裁定錄文畢收名上厲
討出州叛賊岑猛公檄數其罪惡而留梧調度兵餉
相機策應迄成滅猛之功捷聞有白金文綺之賜
追凱旋湖兵不戢公諭禁以長柄大牌梧民賴以按
堵時平樂賊畏威越境東掠肇慶告急督府以兵屬
公乃選精銳順流急擊復邀其歸路大敗之俘馘無
算捷聞有銀牌綵幣之賜潯州斷藤峽賊時出掠
公以奇兵警之群酋請通峽督府檄公募舟數千通
馬於是酋有叛杉木於梧市者人謂亘古所無也猛
賊既平餘黨孽盧蘇等復叛公請如原議撫定主者
不從師又無功上命新建伯王公守仁總制祖征
公言善後之策當分置土官王公聽從其言果不勞
而定於是撫按倭薦戊子陞江西北布政使提調鄉
試譽髦多入教者尋入觀京師無所饋遺人亦諒公
廉約還任掌司事凡藩祿軍需之難處者每經區畫
悉得大體擒治奸吏豪民不過三四輩而闔省肅然
大臣奉命來行祭告禮欲比正祭公疏言告祭主
大治撫按復交薦之庚寅陞南京太常寺卿辛卯春

廣東通志卷六

東莞志

十一

於誠不在備物禮當與正祭異惟用脯醢酒果
從之著為令尋攝國學講論經義求諸身心胄子
不感動十一月月疏乞休不允壬辰陞南京兵部
即與參贊王公廷相協恭革弊如馬快船舊累戎
設法以蘇其困操船者必稽後以給其餉諸凡批
為之頓清八月月疏乞休不允癸巳改戶部右侍
勅總督太倉以考察自陳乞休不允與許司徒讚
經畧邊儲以紓民力復查舊規嚴限以警濡滯之
散餘米給軍以紓民力復查舊規嚴限以警濡滯之
宮誕生馳恩二代廢孫倬入監讀書會大舉八月
殺主將公上疏請止誅叛逆招降其脅從者大與
當路作其後上悟改勅竣事一如公言甲午四月
考滿奉旨復職七月南京太廟災公自陳脩省以
回天變言甚剴切且乞休益力上重遣公請准致
仕中途聞繼母喪兼程奔還家居十餘年未嘗一
城府惟以書史自娛有干以私者謝曰吾守志猶
女豈成化丙申二月甲辰十一月十七日薨于家距
其生成化丙申二月甲辰十一月十七日薨于家距
氏封淑人子男二長允謙二丑進士累官知福州府
次允直壬午鄉進士早卒女二長適張進士子穀次

適行父莊公曾孫祈孫男二曰倬曰儲女一適郡庠
生岑昇公所著有易學疑義春秋集要及詩文集卷
若干卷其為文雄渾精深氣隨理昌論學以程朱為
宗嘗與予言性根諸心非學弗培故道問學即所以
導德性非有二也又謂存養兼動靜非端默靜坐之
謂知行本自合一也知以利行以踐知理無內外心
亦無內外也其為學博極而精雖曆律醫卜之書靡
不通貫然皆取衷于正理至論郊祀之禮惟主合祀
力辯漢儒禘郊之非深得坤道承天之義會
南北郊具奏格不果行深以為恨論樂初以陳賜去
清為是聞于夷則以下四均舍是則選相陵而
調即幡然肯從其虛受類此晚年卜築于瓊名其
曰對齋義取對越上帝事道即事天也蓋其用功益
所造益深矣公性簡重寡慾事繼母揚至孝兄益
英早夭禮恤婢妾俾守貞得所人以為難計借也
其行誼同年邵銓病危公留療治雖試期已逼弗顧
其月日墓類此真可謂能踐其知矣福州君將以某
子生也晚辱公于其原筑築苦鬼使從子倬遠來速
可辭乎銘曰鍾易而黃公復厥初顛徙而瓊公康厥

瓊州府志卷之八 興地志 三十三

居公之積學寔培厥性亦復而康天乃終定積小高
大仕猶學然翔于天庑肇自左遷洋洋文教赫赫武
備遂陟奉常以至鄉貳始終一德
知則必行醇哉鉅儒可式後生

論曰吾讀水經註始與郭階水有別源曰巢頭者踵
嶺衿瀧湍奔相屬祖源雙注合為一川水側有鼻天
子城鼻天子所未聞也然今則謂之陵與劉義慶幽
明錄臯天子墓合既附其事於城池矣及觀浙江水
逕會稽越王允常冢北勾踐徙都琅邪欲移其冢冢
中分風飛砂射人人不得近乃止其事正相類豈越
巧工乘水脉生氣以發機邪不然堪輿家曷為重水
神也尉佗因山為墳王範文廣春秋稱其秘異神密

有似松喬遷景而牧堅固無所殘其眦允常不尤固
哉夫陵墓者衣冠體魄之所藏也其封樹有定制兆
域有定限著在令甲名賢如張文獻公唐宋以來新
官至必謁焉其餘名墳歷代每詔所司修之載在會
典犯者有罪法至備也邇則風俗偷窳豪強恣橫日
斧宰木而薪之雖有功德者猶不能保其一坏之土
而况其他乎嗟乎越之巧工不可得而復見此仁人
孝子所為痛心者也良有司者申勅明法嚴禁樵蘇
則山川鬼神亦莫不寧而民德歸厚矣水東日記謂
越之豐清敏公稷因邑志而墓復存故蒐輯名公所

為碑誌必詳錄之庶其有徵

贊曰圓方迭運賢哲代作勒駿山阿垂輝林壑興廢

靡常雄圖緬邈牛山非遠寢丘可托照鑒斯存紀茲

崖略



廣東通志卷第十八

